

فارس ایرقچیلارینین آذربایجانا قارشی هر طرفلی هوجومو ایله باغلی گونئی آذربایجان تشکیلاتلاری امکداشلیق شوراسینین بیاناتی

اسرائیل ایله ایران ایسلام رئزیمینین ۱۲ گونلک ساواشیندان سونرا، خصوصیه ده ده سون گونلرده ایستر ایران ایسلام رئزیمینین گوج مرکز لرینی احاطه سینه آلمیش، ایستر سه ده اوزونو رئزیم موخالیفتی اذلاندیران فارس ایرقچیلارینین آذربایجانا قارشی مندی و سیاسی هوجوملاری حد اکثر (ماکسیموم) حده چاتمیش و بیر معنالی حال آلمیشدیر.

آذربایجان جمهوریتینین پرئزیدنتی جناب ایلهم علییو و دیگر دؤولت رسمی لری بیر چوخ دفعه آچیق شکیده بو اتهاملاری رد اندرک آذربایجان اراضیسی و هاواسیندان ایرانا قارشی هنج بیر تهدید اولمادیگی آچیقلامالارینا باخمایاراق، هر گون فارس یونلو مندیادا آذربایجان جمهوریتینه قارشی اساس سیز و بالان ادعالارین سسلندیر یلمیه داوام ائتمکده دیر.

عینی شکیده گونئی آذربایجانین میلی حرکتینین تشکیلاتلاری و مندیالاری دفعه لرله وور غولاییلار کی، گونئی آذربایجان و ایرانین موختلیف بؤلگه لرینده یاشایان تورک میللتی بو ساواشین بیر طرفی دئییل و بو ساواش ایران ایسلام رئزیمی طرفیندن میللتیمزه تحمیل اندیلیب. نجه کی بو ساواشین چیخماسینین اساس سببکاری دا بوتون بیناخالق حقوق پرینسیپلرینه ضید اولاراق بیرلشمیش میللتلر تشکیلاتیندا رسماً تانینمیش بیر دؤولتی یوخ ائتمک ایستین، بوتون دونیایا تررور شبکملری یایان و ایراندا یاشایان بوتون میللتلره ظولم اندن ایران تررور رئزیمین اوزودور.

آما نه یازی کی، گوروروک بو رئزیم و عومومیلکده فارس شووئنیستلری یالیز قوزئی آذربایجانا دئییل، عینی زاماندا گونئی آذربایجاندا موجود اولان سیاسی قوه لرده هوجوم ائتمکده و اولارای سیر ادا چبخار ماغا چالیشماقدا داوام اندیرلر. نجه کی سون گونلرده یئنیندن گونئی آذربایجانلی تورک فعاللار رئزیم قوه لری طرفیندن حبس اولونماقدا و رئزیمین ساختا محکمملری طرفیندن آغیر جزالارا محکوم ائدیلمکده دیرلر.

بوتون بونلار اونو دنمیه اساس وئری کی، ایرانین هم رئزیم حاکیمیتینده، هم ده موخالیفتینده اولان فارس ایرقچیلاری، آذربایجانلی و عومومیلکده تورک میللتینی بوتولوکده اوزلرینه رقیب حتی دشمن کیمی گورمکده و بو یونده داور انماقدا دیرلر.

سون ایکی ایلهده بوتون مؤوقلرینی بیر-بیر ایتیرن و ۱۲ گونلک ساواشلا فاکتیک اولاراق مغلوب اولان ایران ایسلام رئزیمی، آرتیق اسرائیل – آمریکا (آ.ب.د) – اروپا بیرلیگی (آ.ب) اتفاقینا قارشی دورماق گوجونده اولمادیغینی گورور و دیگر طرفدن، مؤتقیق سایدیغی اولکلردن ده گوزلهدیغی دستگی، آلا بیلمدیگینه گوره هر زامان اولدوغو کیمی، یئنه ده گوجو چاتلا بیله جک هدفلر آختاریر.

اگر رئزیم آذربایجانا و تورک میللتینه بو گوزله باخیرسا، بو اونون حیاتینداکی ان بویوک خطا (سهو) اولاجاقدیر. آرتیق بوتون دنیا بیلیر کی، نه قوزئی آذربایجان، نه ده گونئی آذربایجان – ۱۹۹۰ جی ایللرین (۱۳۷۰ جی ایللرین) آذربایجانلی دئییلدیر. بو گون دونیادا تامام باشقا بیر آذربایجان تورک میللتی رئاللیغی و البته تورک دونیاسی حقیقتی وار دیر.

بیز گونئی آذربایجان تشکیلاتلاری امکداشلیق شوراسینا عضو اولان بوتون قوروملار اولاراق، ایران ایسلام رئزیمینه خبردارلیق اندیریک کی، ایستر زنگزور دهلیزی، ایستر سه ده ۱۲ گونلک ساواشلا باغلی اساس سیز ادعالاری بهانه اندرک آذربایجان جمهوریتینه قارشی هر هانسی بیر تخریباتال اتارسا، قاراباغ ساواشیندا اولدوغو کیمی، گونئی آذربایجان و ایرانین بوتون تورک اصیلی وطنداشلارینین کسکین عکس العملی ایله (رئاکسییاسی ایله) قارشیلانماقدا دیر. انجه ده موجود دورومدان یارالاناراق اساس سیز اتهاملارلا گونئی آذربایجانین سیاسی قوه لرینی سیر ادا چبخار ماغا و آذربایجان میلی حرکتینا دیوان توتماغا جهد اندرسه، یئنه کسکین جاوایی تورک میللتیندن آلاچاقدیر.

گونئی آذربایجان تشکیلاتلارینین امکداشلیق شوراسی

۱. آذربایجان دموکرات فیرقه سی – آ.د.ف

۲. آذربایجان مرکز پارتنیسی – آ.م.پ

۳. آذربایجان میلی دیرنیش تشکیلاتی – دیرنیش

۴. آذربایجان اؤیرنجی حرکاتی – آ.ز.ح

۵. گونئی آذربایجان جمهوریت پارتنیسی – آ.ج.پ

۶. گونئی آذربایجان دموکرات پارتنیسی – گادپ

۷. گونئی آذربایجان ایستقلال پارتنیسی – گایپ

۸. گونئی آذربایجان میلی دؤولتچیلیک شوراسی – ا.م.د.ش

۹. گونئی آذربایجان قورتولوش پارتنیسی – گاقپ